


法古錄



法古錄

地集

木部



松脂花節葉皮

琥珀

枸杞子

天精草

酸棗仁

楮實

葉白皮

卮子

枳實

枳殼

大腹皮

蔓荊子

郁李仁

伏苓

赤白

栝

側栝葉

栝子仁

地骨皮

杜仲

桑白皮

槲葉枝

猪苓

厚朴

槐實

槐花枝皮根

石南葉

金櫻子

伏神

心中木

桂

肉桂

桂心

桂枝

山茱萸

女貞子

冬青葉

桑寄生

黃蘗

檳榔

苦棟子

根木皮

辛夷

訶子



法古錄

木部目錄

烏藥

榆白皮

蕤仁

山茶花

烏白木

根皮枝葉油

皂角刺

茶

川椒

目藥

畢澄茄

降真香

沒藥

樟腦

五加皮

秦皮

密蒙花

木槿

川槿皮

水楊柳

皮根

肥皂莢

吳茱萸

胡椒

沉香

丁香

鷄舌香

楓脂香

蘇合香

椿樗白皮

海桐皮

芙蓉花

葉

杉木節

皂角子

樓櫚

筍子花皮灰

花椒

蘆木

檀香

白紫

乳香

冰片

血竭

阿魏
蕪荑
漆
荆瀝
竹茹
赤梔柳
西河柳

盧會
沒石子
巴豆
霜油
竹瀝
天竹黃

胡桐淚
衛矛
大風子
竹葉
雷丸





法古錄 木部

○松

王安石字說云松栢為百木之長松猶公也栢猶伯也故松從公栢從白 抱朴子云凡老松皮內自然聚脂為第一勝于鑿取及煮成者其根下有傷處不見日月者為陰脂尤佳老松餘氣結為伏苓千年松脂化為琥珀

○松脂 松香 本經治癰疽惡瘡頭瘍白禿疥癬 甄權曰煎膏生



肌止痛排膿抽風貼諸瘡膿血瘰癧牙孔殺蟲 大明曰除邪下氣

潤心肺治耳聾古方多用辟穀 時珍曰強筋骨利耳目治明帶

又曰松脂則松樹之津液精華也在土不朽流脂日久變為琥珀宜

其可以辟穀延齡 訥菴云苦甘性燥祛風去濕化毒殺蟲生肌止

痛養生家鍊之服食今熬膏多用之 梅師方云齧齒有孔松脂維



塞須臾出即從脂出也

○松花 松黃 時珍曰潤心肺益氣除風止血亦可釀酒

○松節 別錄曰治百邪氣風風虛脚痺疼痛 弘景曰釀酒主脚弱

骨節風 震亨云炒焦治筋骨病能燥血中之濕 時珍曰松節松

之骨也質堅氣勁久亦不朽故筋骨間風濕諸病宜之兼治風蛀牙

痛煎水含嗽或燒反日指有效

○松葉 松毛 時珍曰去歷節風痛治脚氣風痺殺米蟲煎湯洗陰

囊濕痒 千金方治三年中風松葉煮酒頓服汗出立瘥

○赤龍皮 即古松皮 時珍曰治癰疽瘡口不合生肌止血 永類鈴

方云赤龍鱗煨研搽瘡疥杖瘡湯火瘡最止痛

茯苓 伏靈

宗奭曰多年斫伐之松根之氣味抑鬱未絕精英未淪其精氣盛者

發泄於外結為茯苓故不抱根離其本體有零之義也津氣不盛止
能附結本根既不離本故曰伏神 時珍曰茯苓史記龜策傳作伏
靈蓋松之神靈之氣伏結而成故謂之伏靈伏神也仙經言伏靈大
如拳者佩之令百鬼消滅則神靈之氣並可徵矣

本經治胸脇逆氣憂恚驚邪恐悸心下結痛塞寒熱煩滿欬逆口
焦舌乾利小便久服安魂養神 別錄曰止消渴好睡大腹淋瀝腸

中痰水水腫淋結開胸膈調臟氣伐腎邪長陰益氣力保神氣

權曰開胃止嘔逆善安心神主肺痿痰壅心腹脹滿小兒驚癇女人

熱淋 日華子曰補五勞七傷開心益志止健忘煖腰膝安胎元

素曰止渴利小便除濕益燥和中益氣利腰臍間血 李杲曰逐水

緩脾生津導氣平火止泄除虛熱開腠理 好古曰瀉膀胱益脾胃

治腎積奔豚

赤茯苓 甄權曰破結氣 時珍曰瀉心小腸膀胱濕熱利竅行水
赤茯苓皮 時珍曰治水腫膚脹利水道開腠理

宗奭曰茯苓行水之功多蓋心脾不可缺也 元素曰茯苓赤白

補上古無此說氣味俱薄性浮而升其用有五利小便也開腠理也

生津液也除虛熱也止瀉也如小便利或數者多服則損人目汗多

人服之亦損元氣天人為其淡而滲也 杲曰白者入壬癸赤者入

丙丁味甘而淡降也陽中陰也其用有六利竅而除濕益氣而和中

治驚悸生津液小便多者能止結者能通益脾逐水乃除濕之聖藥

也 好古曰小便多能止瀉能利與車前子相似雖利小便而不走

氣同硃砂能秘真元味甘而平如何是利小便耶

伏神

即茯苓之抱根生者別錄曰辟不祥療風眩風虛五勞口乾止驚悸

多恚怒。善忘。則心益智。安魂魄。養精神。甄權曰。補勞乏。主心下急痛。堅滿。人虛而小腸不利者。加而用之。時珍曰。神農本草。止言伏苓。名醫別錄。始添伏神。而主治皆同。後人治心病。必用伏神。故潔古張氏云。風眩心虛。非伏神不能除。使然。伏苓亦未嘗不治心病也。黃松節。即伏神心內木。時珍曰。凡用伏神。去皮及心中木。若用心木。治脚氣痺痛。諸筋牽縮。甄權曰。治偏風口面喎斜。毒氣筋攣。不語。心神驚刺。虛而健忘。

琥珀

承曰。伏苓伏神。乃大松摧折。或斫伐。而根癭不朽。津液下流。而結成。故治心腎通津液也。若琥珀。乃是松樹枝節。榮盛時。為炎日所灼。流脂出樹身外。日漸厚大。因墮土中。津潤歲久。為土所滲泄。而光瑩之體。獨存。人可拾。芥尚有粘性。故其虫蟻之類。乃未入土時。所粘。

者二物皆是松出而所異各異伏苓生于陰而成於陽琥珀生于陽而成於陰故皆治營安心而利水也 穀曰凡用以水調側柏子末于瓷鍋中置琥珀于內煮半日搗粉篩用 別錄曰安五臟定魂魄殺精魅邪鬼消瘀血通五淋 大明曰壯心明目磨腎止痛顛邪瘡蠱毒破結癥治產後血枕痛 藏器曰止血生肌合金瘡 元素曰清肺利小腸 宋高祖以寧州所貢琥珀枕碎之以分賜軍士傳金瘡 直指方用燈心湯調琥珀末治小便尿血

栢

側栢葉

魏子才六書精組云萬木皆向陽而栢獨西指蓋陰木而有貞德者 陸佃云栢有數種入藥惟取葉扁而側生者故曰側栢 宗奭云此木至堅不畏霜雪得木之正氣所以西指者以受金之氣耐制也 時珍曰栢性後凋而耐久稟堅凝之質乃多壽之木所以

可人服食道家以之點湯常食元旦以之浸酒辟邪皆有取於此
別錄曰吐血衄血痢血崩中赤白帶下腸風尿血一切血症去濕痺
生肌 甄權治冷風歷節疼痛止尿血 大明曰多暑凍瘡 蘇頌
曰傳湯火傷止痛滅癰服之療瘰癧作湯常服殺五臟虫並人 訒
蒼云苦瀟微寒義陰滋肺而燥去最清血分為補陰要藥或炒或生
用各從本方取汁塗頭黑潤髮髮 震亨云采葉隨月建方取其
多得月令之氣此補陰之要藥也

栢子仁 時珍曰蒸熟曝烈春煎取仁炒研去油入藥 栢子仁性平而

不寒不燥味甘而補辛而能潤其氣清香能透心腎益脾胃蓋仙
家上品藥也宜乎滋養之劑用之列仙傳云赤松子食栢實齒落更
生行及奔馬諒非虛語也 王好古曰栢子仁肝經氣分藥也潤肝
又潤腎 本經除風濕安五臟久服令人潤澤美色耳目聰明不



飢不老輕身延年 別錄療恍惚虛損吸_氣歷即腰中重痛益血止
汗 甄權治頭風腰腎中冷膀胱冷消腫宿水興陽道益壽去百邪
鬼魅小兒驚癇 時珍曰養心氣潤腎燥安魂定魄益智寧神燒
濕澤頭髮治疥癬 歷_真即指油治黃水濕瘡同香油搽之

肉桂

肉桂

桂心

桂枝

杲曰桂辛熱有毒陽中之陽浮也氣之薄者桂枝也氣之厚者桂肉
也氣薄則發泄桂枝上行而發表氣厚則發熱桂肉下行而補腎此
天地親上親下之道也 好古曰桂枝入足太陽經桂心入手少陰
經血分肉入足少陰太陰經血分細薄者為枝為嫩厚脂者為老
為肉去其皮與裏取其中者為桂心別錄言有小毒又云久服不老
然雖有小毒而從類化與黃芩黃連為使小毒何施與烏頭附子
為使全取其熱性而已與巴豆硃砂乾漆穿山甲水蛭等同用則小

毒化為大毒與人參麥冬甘草同用則調中益氣便可久服也

肉桂 別錄曰利肝肺氣心腹寒熱冷痰霍亂轉筋頭痛腰出汗止煩止嘔嗽欬嗽鼻癰墮胎溫中堅筋骨通血脈 元素曰補下焦不足治沉寒痼冷之病滲泄止渴去營衛中風寒表虛自汗春夏為禁藥秋冬下部腹痛非此不能止 好古曰補命門不足益火消陰 時珍曰治寒痺風瘡陰盛失血瀉痢驚癇 肉桂生父趾者良厚而辛烈其毒在皮去粗皮用之才曰桂得人參甘草麥冬大黃黃芩調中益氣得紫胡紫石黃芩乾地黄療吐逆忌生葱石脂 時珍曰桂性辛熱能通子宮而破血故別錄言其墮胎龐安時云炒過則不損胎又官桂同丁香治瘰癧反塌能溫托化膿 訥菴曰欬逆亦由氣不歸元桂能引火歸宿丹故治之

桂心 數曰用紫色厚者去上粗皮并內薄皮取心中味辛者用

甄權曰治九種心痛內腹內冷氣痛不可忍欬逆結氣癰痺脚痺不
仁止下痢殺三蟲治鼻中瘰肉破血通利月閉胞衣不下 大明治
一切風氣補五勞七傷通九竅利關節益精明目煖腰膝治風痺骨
節攣痛縮筋骨生肌肉消瘀血破瘀癰癥瘕殺草木毒 時珍曰
治風僻失音喉痺陽虛失血內托癰疽痘瘡能引血化汗化膿解蛇
蝮毒 向氏曰死胎不下痛緊時以童便熱調桂末三錢神効
桂枝 本經治上氣欬逆結氣喉痺吐吸利關節補中益氣 別錄
曰心痛脇痛脇風濕筋通脈止煩出汗 甄權去冷風疼痛 元素
曰去傷風頭痛開腠理解表發汗去皮膚風濕 成無己曰泄奔
豚散下焦畜血利肺氣 震亨曰橫行手臂治痛風 王好古曰或
問桂枝止煩出別錄已言之矣而張仲景治傷寒發汗數處皆用
桂枝湯又曰無汗不得用桂枝而汗多者又用桂枝甘草湯而閉汗

一藥二用似乎相反果與二說相通否乎曰皆是也仲景云太陽病發熱汗出者此為營強衛弱衛強陰虛陽必湊故以桂枝發其汗此乃調其營氣則衛氣自和風邪無所容遂自汗而解非若麻黃能開腠理發出其汗也汗多用桂枝者以之調和營衛則邪從汗出而汗自止非桂枝能閉汗孔也 有汗不得服麻黃恐汗多亡陽也是有汗者惟桂枝宜之若傷寒無汗則當以發汗為主而不獨調其營衛矣故曰無汗不得服桂枝 時珍曰麻黃遍徹皮毛故專於發汗而寒邪散肺主皮毛辛走肺也桂枝透達營衛故能解肌而風邪去脾主營肺主衛甘走脾辛走肺也 傷寒例曰桂枝下咽陽盛則寒承氣入胃陰盛則亡

枸杞子

孟詵曰堅筋骨耐老除風去虛勞補精氣 好古曰主心病噎乾心

痛渴而引飲腎病消中

時珍曰滋腎潤肺榨油點燈明耳

弘景

曰諺云去家千里勿食枸杞蓋此物補益精氣強盛陰道也

時珍

曰予考本經止云枸杞不指是根莖葉子初無分別後世以枸杞子

為滋補藥地骨皮為退熱始岐而二之竊謂枸杞之滋並不獨子而

根亦不止於退熱而已但根苗之氣味稍殊而主治亦未必無別蓋

其苗乃天精草苦甘而涼上焦心肺客熱者宜之根乃地骨皮甘淡

而寒下焦肝腎虛熱者宜之至于子則甘平而潤性滋而補不能退

熱止能補腎潤肺生精益氣此乃平補之藥所謂精不足者補之以

味也世人但知用黃芩黃連苦寒以治上焦之火黃柏知母苦寒以

治下焦陰火謂之補陰降火久服致傷元氣而不知枸杞地骨甘寒

平補使精氣充而邪火自退之妙惜哉凡用杞子取鮮明者洗淨

酒潤一夜搗爛入藥